



**Vschinauncha da S-chanf**  
7525 S-chanf



---

## Da la suprastanza cumünela lügl 2019

---

### Protocols

Reguard la publicaziun dals protocols i'l ultim mez an s'ho annunzcho l'uffizi per vschinaunchas dal chantun Grischun. Da la vart da l'uffizi nu es la publicaziun dals protocols uschè detaglio acceptabel. L'uffizi renda a la vschinauncha attent sülla missiva dal grand cussagl e avertescha la vschinauncha in connex culla revisiun da la ledscha da vschinaunchas, cha la publicaziun dal protocol da la suprastanza cumünela nu's cunfo ne culla constituziun cumünela ne culla legisla-ziun superiura, uschè scu cha la vschinauncha da S-chanf ho que pratico in ultim temp. Our da quel motiv vain in futur publicho il protocol scu da l'an 2017/2018 in fuorma d'ün riassunt mensuel.

### Dumandas da fabrica

La suprastanza cumünela piglia cugnuschentscha dals seguaints progets da fabrica:

- Parcella nr. 826/839, Chapella, nouv mür da sustegn
- Piazza per la staziun dal bus a Chapella
- Implaut da protecziun civila Cinuos-chel
- Taxas d'attach chesa pravenda S-chanf
- Parcella 752, Chapella, piazza da ramassamaint d'immundizchas cun Moloks

Impü aderischa la suprastanza cumünela seguaintas dumandas da fabrica:

- Parcella nr. 660, Pradels, nouva duscha

### Bos-chetta Plauna SA decisiun circolera

Per pudair decider diversas chosas illa radunanza generela ed illa tschanteda dal cussagl amministrativ da la Bos-chetta Plauna SA ils 09 lügl 2019 ho la suprastanza cumünela decis da sustegner ils puncts proposts. Traunter oter surpiglia la Bos-chetta Plauna die Kosten in der Höhe von fr. 380'000.00 für die Verlegung der Wasser-/Abwasserleitungen um den Deponieperimeter. Ils cuosts da realisaziun vegnan spartieus proporziunel süls proprietaris da perimeter da la deponia.

### Visualisaziun dal plan da cataster GIS

I'l plan general da drenascha GEP es glivro e in fasa 3 sun definedas la lavuors da mantegnimaint. Per pudair eseguir e documenter las lavuors, es üna visualisaziun dal plan da cataster cun GIS necessari. La suprastanza cumünela decida unanimamaing da cuntinuer cul proceder per pudair piglier in vista uschè svelto scu pussibel las lavuors chi staun gnir fattas.

### Annulaziun proget da fabrica Chapella - Tulait

L'an 2016 ho l'ucb dal chantun Grischun elavuro ün proget da cooperaziun publica per la sanaziun da la via d'access vers mezzdi ed illa fracziun Chapella. La vschinauncha da S-chanf ho manchanto l'an 2016 da progeter insembel cul ucb la renovaziun da las lingias d'ova e d'ova pers illa fracziun Chapella. In seguit es gnieu elavuro da prümavaira 2017 ün proget cullas prescripziuns da la vschinauncha. Tres que cha'l chantun ho già surdo las lavuors, sun gnidas dumandedas las offertas per las lavuors d'infrastructura da la vschinauncha tenor proceder d'invid. Impü sun las lavuors gnidas spustedas dal chantun sün l'an 2020. La vschinauncha ho surdo üngünas lavuors per l'execuziun. Dürant l'eivna 26 da l'an 2019 ho l'ucb comunicho a la vschinauncha, cha las lavuors paun gnir realisedas il pü bod da l'an 2021. Our dals motivs manzunos vain il proget da fabrica Chapella – Tulait annullo. Tenor las offertas inoltredas s'amuntan ils cuosts sün fr. 560'000.00. Per realiser il proget vegnan las lavuors publishedas in futur insembel cul ucb dal

chantun Grischun. La suprastanza cumünela decida unanimamaing d'annuller il proceder e da scriver üna disposiziun a tuot ils affers pertuchos.

### **Deliberaziun da credit imsüraziun da TWW planisaziun locala**

Per la revisiun da la planisaziun locala da S-chanf i'l perimeter da la loipa dal maraton sun d'observer il ogets dals pros e pasculs süts e da calculer ils pejamaints da cumpensaziun ters l'inai-vaziun da la loipa. Ils resultats dessan gnir nottos in ün cuort riassunt. Per quista lavur ho inoltro la firma Eco Alpin ün'offerta per fr. 2'500.00.

La suprastanza cumünela decida da deliberer il credit bsögnaivel da fr. 2'500.00 per pudair exequir quistas lavuors.

### **Rumida da la laina d'orizi 2018/2019**

Ils orizis da l'utuon 2018 e las naiveras da l'inviern 2018/2019 haun provocho dans aint ils gods da S-chanf. Ils lös cun la bos-cha crudeda sun segnos sün ün plan detaglio. Il böts da quista rumida es d'alluntaner la bos-cha crudeda chi sun ün prievevel, da trer a nütz il legnam druvabel, da redür il dan per parasits, da furnir trunchs per la resgia e da meliorier il lös da pasculaziun. Il cuosts per quistas lavuors s'amuntan sün fr. 25'000.00.

La suprastanza cumünela decida da deliberer fr. 25'000.00 per pudair fer las lavuors necessarias.

### **Rapport da l'analisa da process resgia**

I'l temp passo s'haun musso divers puncts da deblezza i'l schema d'organisaziun impustüt illa resgia. Surtuot es la contabilitèd / facturaziun / admuniziuns, surpiglier la cumpetenzza da respunsabilitèd, la regulaziun da suottascripziun, la realisaziun dal dret da persunel / indemnizaziun eui. ün grand tema. Impü es da manzuner, cha per la direcziun da la resgia nun exista üngün reglamaint, uorden u otras basas leghelas in scrittas. Per pudair amegldrer il stedi economic illa resgia da S-chanf e per pudair eir vender in futur la laina indigena sül marchio, as confuonda la vschinauncha da S-chanf culla structura da la gestiun da la resgia scu eir culs process e las cifras da prestaziun e finanzas. Our da quist motiv ho la vschinauncha da S-chanf surdo a la HTW l'elavuraziun d'ün'evaluaziun da process.

- Elavuraziun da plans da las plazzas da lavur
- Elavuraziun d'ün reglamaint da cumpetenzas
- Process da facturaziun
- Fuorma giuridica (gestiun publica dependenta da la vschinauncha da S-chanf – analog Energia S-chanf)

La suprastanza piglia cugnuschentscha dal rapport. Il president propuona da s-chaffir üna gruppa da lavur per pudair elavurer ils temas sur manzunos. In prüma lingia vain miss pais, chi paun gnir elavuros las descripziun da las plazzas da lavur. Cun quista imsüra as po già üna vouta regler relativ bgeras dumandas regard cumpetenzas e respunsabilitèds da las singulas persunas illa resgia e'l forestel.

### **Dumanda per üna piazza da trenamaint Airsoft**

Ad es gnieu fat la dumanda a la vschinauncha per pudair nüzzer ün töch dal god a Chapella per pudair fer ün vouta l'eivna ün trenamaint dad «Airsoft». Il petent ho inoltro la documainta detagliada per pudair fer ün tel trenamaint.

La suprastanza cumünela decida unanimamaing da refüser la dumanda our da divers motifs. In prüma lingia es la sgürezza da peduns chi vaun a spass in quel territori ün punct cardinel. La suprastanza cumünela comunichescha però il petent, chi pudess der localitèds (immobiglias privatas) chi gnissan in dumanda.

### **Cumprita da terrain parcella nr. 824, Chapella**

Ad es gnieu inoltro üna dumanda da cumprita per la parcella nr. 824 a Chapella. Sar Georg Rauch accumullescha tuot las prescripziuns per pudair cumprer il terrain. La suprastanza cumünela decida unanimamaing d'aderir la cumprita da terrain per la parcella nr. 824 a Chapella suot las resalvas scu i'l reglamaint descrit. La dumanda da cumprita vegn suottamissa a la radunanza

cumünela dals 21 avuost 2019. Impü stu la suprastanza da la vschinauncha burgaisa aderir a quist offer.

### **Dumandas da contribuziun**

La suprastanza cumünela aderischa a seguaintas dumandas da contribuziun:

- Ovra Svizra da Lectura fr. 100.00 per ediziuns rumauntschas
- Societed mobiglias cultura da misteraunza Grischuna fr. 600.00 in fuorma da laina per lavurer
- Champ da l'AULA fr. 1'000.00 scu sustegn per famiglias chi nu's riva da praster per lur iffaunts il champ

### **Cunvegna contribuziun alpagiedas 2018-2021**

Il böt es da pudair stipuler üna cunvegna regard pajer las contribuziuns per las alpagiedas dals ans 2018 fin 2021. Las gestiuns d'alpagiedas Blais, Punt Ota ed ils pasculs da S-chanf haun gieu da l'an 2018 memma bgeras vachedas, sun gnidas surchargedas. Our da quel motiv sun gnieu strichos contribuziuns i'l otezza da fr. 80'000.00. La societed alps e pasculs ho fat recuors regard quista fatschenda da l'uffizi da l'agricultura dal chantun Grischun. Pel mumaint sun avaunt maun auncha diversas differenzas traunter la vschinauncha e la societed. Quistas differenzas vegnan però pel mumaint pigliadas per maun per pudair sclarir las relaziuns da fittaunza. Il böt es da pudair esser daperüna fin la fin d'october 2021. Nu vain chatto fin in october 2021 üngüna solu-zion vegnan ils pajamaints annullos. Impü vegnan las vachedas nouv decretedas scu sülla cifra da l'an 2017. La suprastanza cumünela decida unanimamaing d'aderir a la cunvegna e giavüscha cha la cunvegna gnia eir suottascritta dal uffizi d'agricultura.

### **Iniziativa salarisaziun presidents**

La suprastanza cumünela ho cun data dals 26 gün 2019 piglio cugnuschentscha da la charta regard il rapport da l'iniziativa « remuneraziuns e spaisas dals presidents cumünels ». Tenor il rapport da la cumischiun da gestiun nu haun pudieu gnir constatedas irregulariteds u surpassamaints dal uorden da salarisaziun in connex cullas spaisas dal president cumünel antecessur. La cumischiun da gestiun giavüscha, cha vain elavuro danouvmaing la ledscha da salarisaziun per pudair eviter in futur discussiuns e melinclettas. Ils cuosts per la lavur giuridica i'l cas Campell per quist' examinaziun s'amuntan sün fr. 15'106.00.

La suprastanza cumünela piglia cugnuschentscha da quist'examinaziun. Impü suottametta la suprastanza cumünela il resultat da l'examinaziun a la radunanza cumünela ils 21 avuost 2019 per piglier cugnuschentscha.

S-chanf, 30 lügl 2019

La suprastanza cumünela